



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

LXXXIX. Constitutiones, & Declarationes ad Regulam Monachorum  
Congreg. Cassinensis.

---

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

tembris pro R. P. Ludovico Barbo, nostræ Congregationis præcipuo direttore.

2. Fiant præterea annuatim tria Anniversaria conventualiter: unum pro animabus nostræ Congregationis: aliud pro Benefactoribus nostris defunctis: tertium pro Benefactoribus vivis, dicendo Missam pro peccatis, quæ Anniversaria celebrantur per Monasteria nostræ Congregationis post primum diem Septembris diebus, quibus habilius celebrari poterunt.

3. Post festum vero omnium Sanctorum Monachorum prima die non impedita, recitetur conventualiter integrum officium Defunctorum, & Missa item canetur pro Defunctis nostræ Congregationis.

4. Laudamus item piam eam consuetudinem, quæ in aliquibus nostris Monasteriis jam recepta, & ad ea cætera quoque Monasteria extendi jubemus; ut scilicet singulo quoque anno aliqua die non impedita mensis Decembris conventualiter recitetur integrum officium Defunctorum, & similiter canetur Missa pro nostris Religiosis in eodem Monasterio Defunctis &c.

*Finis.*

§. 2. Hinc est, quod nos perpetuæ, atque inviolabili præinsertarum Declarationum, & Constitutionum firmitati, robori, & efficacie, quantum nobis ex alto conceditur providere cupientes, Motu proprio, ac ex certa scientia, & matura deliberatione nostris, deque Apostolicæ potestatis plenitudine omnes, & singulas declarationes ad Regulam S. Benedicti, & Constitutiones præinsertas tenore præsentium confirmamus, & approbamus, illisque inviolabilis, & irrefragabilis Apostolicæ firmitatis vim, robor, & efficaciam adjungimus, ac omnes & singulos, tam juris, quam facti, & solemnitatum quarumcumque in similibus etiam de necessitate observandarum, & alios quoslibet, etiam quantumvis formales, & substantiales defectus, etiam si tales sint, ut non nisi facta de eis specifica, & individua mentione sanari possint, si qui in præmissis principaliter, vel accessorie intervenierint, seu intervenisse dici, censei, vel prætendi valent plenissime, & amplissime supplemus, & sanamus, ac penitus, & omnino tollimus, & abolemus.

Relatæ Declarationes in Regulam, & Constitutiones confirmantur.

Clausula.

§. 3. Decernentes easdem præsentibus literas, ac Declarationes, & Constitutiones præinsertas, & in eis contenta quæcumque, etiam ex eo, quod dilecti filii Superiores, & Monachi dictæ Congregationis Casinensis, aliive quilibet in præmissis interesse habentes, seu habere quomodolibet prætendentes, illis non consenserint, nec ad ea vocati, citati, & auditi, neque Causæ propter quas ipsæ præsentibus emanarint, adductæ, specificatæ, & justificatæ fuerint, aut ex alia quacumque, etiam quantumvis juridica, legitima, pia, & privilegiata Causa, colore, prætextu, & capite, etiam in corpore Juris clauso, etiam enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis formali, & substantiali, individuumque mentionem, & expressionem requirente defectu notari, impugnari, infringi, retractari, in controversiam vocari, aut ad terminos juris reduci, seu adversus illas aperiitionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato, seu etiam motu, scientia, & potestatis plenitudine paribus concesso, vel emanato quempiam in Judicio, vel extra illud uti, seu se juvare ullo modo posse, sed ipsas præsentibus literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quodcumque

speciabit, in omnibus, & per omnia plenissime suffragari, & ab illis respectu inviolabiliter, & inconcussè observari.

§. 4. Sicque in præmissis, & non aliter censei, atque ita per quoscumque Judices Ordinarios, & delegatos, etiam Causarum Palatii Apostolici Auditores, & S. R. E. Cardinales, etiam de Latere Legatos, ac Apostolicæ Sedis Nuntios, aliive quoslibet, quacumque præeminentia, & potestate fungentes, & functiones, sublata eis, & eorum cuiuslibet quavis aliter judicandi, & interpretandi facultate, & auctoritate, judicari, & diffiniri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus quatenus opus sit nostra, & Cancellariæ Apostolicæ Regula de jure quæsito non tollendo, aliisque Apostolicis, ac in Universalibus, Provincialibusque, & Synodali- bus Conciliis editis generalibus, vel specialibus Constitutionibus, & ordinationibus, necnon dictæ Congregationis, ejusque Provinciarum, & Monasteriorum, aliive quibusvis etiam Jumento, confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus; privilegiis, quoque Indultis, & Literis Apostolicis eidem Congregationi, ejusque Superioribus, Monachis, & personis, aliive quibuslibet, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, ac insolitis clausulis, & Decretis in genere, vel in specie, etiam motu, scientia, & potestatis plenitudine paribus, ac consistorialiter, & alias in contrarium præmissorum concessis, ac pluries, & quantumcumque vicibus confirmatis, approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, expressa, & individua, non autem per clausulas generales idem importantes mentio, seu quævis alia exquisita forma ad hoc servanda foret, tenores hujusmodi, præsentibus pro plene, & sufficienter expressis, ac de verbo ad verbum insertis habentes, illis alias in suo robore mansuris, ad præmissorum effectum hac vice dumtaxat specialiter, & expresse, ac plenissime, & amplissime derogamus, cæterisque contrariis quibuscumque.

§. 6. Volumus autem ut earumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in judicio, quam extra illud ubique locorum habeatur, quæ haberetur ipsis præsentibus si forent exhibitæ, vel ostensa.

Dat. Romæ apud S. Mariam Majorem sub Anno Piscatoris die XXII. Novembris MDCLXXX. Pontif. nostri Anno Quinto.

Mandatur, ut in toto Statu Ecclesiastico serventur statuta successiones ab intestato agnatis masculis deferentia.

LXXXIX.

INNOCENTIUS PAPA XI.

Dat. 16. Nov. 1680. An. 5.

*Ad perpetuam rei memoriam.*

Pastoralis Officii debitum, quo universis, præsertim vero populis nostræ curæ, & sollicitudini, etiam in temporalibus creditis tenemur, exigit, ut ea provideri, statui, ordinari, & declarari debeant, per quæ illorum commodis, utilitati, quieti, & tranquillitati consultum sit, litiumque dispendia, & incommoda, quantum fieri potest, tollantur, & cessent.

Exordium.

§. 1. Cum

1680.  
Præfata Statuta recententur.

Causa hujus Constitutionis.

Preces populorum Status Ecclesiastici.

Præceptum servandi ubique, & prout jacent dicta Statuta.

Nec obstant bonorum differentia, eorumque situs; bene vero lex investituræ, si sit contraria.

Item nec subiectio, & exemptio personarum cujuscumque generis.

§. 1. Cum itaque in nostra Urbe, peneque in omnibus aliis Civitatibus, Oppidis, & locis nostris, & Sanctæ Romanæ Ecclesiæ Status, & conditionis temporalis Italiæ ordinata sint, atque vigeant statuta, seu decreta, aliæque leges, & ordinationes, Apostolica expressa, vel tacita, sive a jure præsumpta confirmatione, & approbatione munita, per quæ, ut agnationum, & familiarum nobilitas, & decor, mediantibus bonis, & divitiis conserventur, intestatæ successiones agnatis masculis, exclusis fœminis, aliisque per eas cognatis intra certos respectivé gradus deferuntur. Compertum vero sit, quod nonnullæ Doctorum, & Tribunalium interpretationes, ac limitationes, vel restrictiones præmissorum finem a populis, juxta eorum, ac regionis antiquos, & continuatos mores, impediunt, præfatasque leges, ac provisiones pene inanes reddunt, sive frequentes producant lites, perturbationes, incommoda, & dispendia, adeout quandoque expediat potius non deferri, nec aperiri successione beneficium, quod ita in maleficium, propriæque assis iusturam convertitur; unde propterea iidem populi præfati nostri Status Ecclesiastici, tam immediati, quam mediati Italiæ apud nos eorum voluntatem, ac desiderium explicantes, preces porrexerunt, ut desuper opportune providere dignemur, præfatorumque statutorum, ac legum, seu provisionum, generalem, ac indefinitam observantiam, prout jacent, & disponunt, demandemus, quibuscumque Doctorum, & Tribunalium rejectis interpretationibus, adeout universalis, ac uniformis in quolibet loco sit ordo succedendi ad priorum respectivé statutorum, & legum normam, seu præscriptum.

§. 2. Hinc nos præmissorum populorum, qui Nobis, & Apostolicæ Sedi etiam in temporalibus, tam immediate, quam mediate crediti sunt, commodo, utilitati, quieti, & tranquillitati, quantum fieri potest, consulere cupientes eorumque votis, & supplicationibus annuere volentes. Motu proprio, ex certa scientia, & de Apostolicæ potestatis plenitudine, omnium, & singulorum statutorum, decretorum, legum, constitutionum, & provisionum hujusmodi in dicta nostra Urbe, & universo nostro, & Sedis Apostolicæ Statu Ecclesiastico immediato, & mediato existentium tenores pro expressis habentes, perinde ac si de illis expressa, specialis, & individua mentio facta esset, hac nostra perpetuo valitura Constitutione, mandamus, decernimus, & statuimus, ut in successionebus in posterum, & post præsentium publicationem aperiendis, & deferendis illa statuta, decreta, leges, Constitutiones, & ordinationes, quæ in præfatis nostris Urbe, & Statu Ecclesiastico expressam in forma specifica, vel etiam in sola forma communi Apostolicam habeant confirmationem, & approbationem, sive illam habeant tacitam, & præsumptam, quæ ex juris dispositione ob longissimi temporis observantiam inducitur, generaliter, & indefinite, prout jacent, ac disponunt ad favorem masculorum de agnatione, in universo asse attendi, & servari debeant quacumque sublata consideratione, vel differentia bonorum, eorumque situationis, intra, vel extra territorium, ubicumque existant, & sive sint libera, & allodialia, seu feudalia, vel emphyteutica, seu livelloria, etiam de directo dominio Ecclesiarum, Monasteriorum, & piorum locorum, seu personarum Ecclesiasticarum, ubi lex investituræ non obstat, quæ salva remaneat. Sublata quoque omni, & quacumque differentia, vel consideratione subjectionis, & respectivé exemptionis personarum, tam descendendum, quam succedendum, vel excludendum, & exclusarum cujuscumque sint status, gradus, & conditionis, & quamvis agatur de Clericis, vel

Regularibus utriusque sexus, aut de Ecclesiis, & Monasteriis, aliisque personis, & locis Ecclesiasticis, vel alias quomodolibet exemptis, & privilegiatis, quantumvis expressa, & speciali nota dignis.

§. 3. Dum non ex ipsorum statutorum, vel statuentium aliqua jurisdictione, vel potestate, sed ex nostra dumtaxat Apostolica auctoritate hunc succedendi ordinem in dicto nostro statu immediato, & mediato Italiæ, ex justis causis animum nostrum digne moventibus servari volumus, ac statuimus, attenda solum, ac generaliter naturali qualitate agnationis, & sexus pro dicto fine assequendo. Nullaque etiam ratione habita mixturæ personarum non exclusarum in medio existentium, aliæque qualitate, ob quam hujusmodi statutorum, & legum cessatio, & reversio ad jus commune prætendi valeat, adeout unicum, uniforme, ac universale sit jus, & ordo successione ad ipsorum respectivé statutorum præscriptum, ex præfato agnationis favore. Quodque in quolibet casu dubio, & quomodolibet disputabili favore masculorum de agnatione in exclusionem fœminatam, & cognatorum, tam ascendendum, etiam matris, quam descendendum, & collateralium, hujusmodi legum & statutorum interpretatio faciendâ sit. Ubi vero contingat non verificari statutorum, personarum, & bonorum unionem, similitudinem, & combinationem, quam attendi, ac servari debere decernimus, vel quod non adsint statuta personarum, sive illa extantia, ob enunciatas Doctorum, & Tribunalium interpretationes, aut alias quomodolibet suum non fortiantur effectum, tunc sublata (ut præmissum est) omni differentia exemptionis, & subjectionis personarum, & bonorum respectivé, generaliter, & prout jacent, attendi, ac servari volumus, decernimus, & mandamus statuta locorum, in quibus bona existunt, ac possidentur, sive agatur de bonis stabilibus, sive de mobilibus, censibus, locis montium, officiis vacabilibus, nominibus debitorum, juribus, & actionibus, & aliis, quamvis de illis esse dignoscatur, quæ loco non circumscribuntur, sed personam sequuntur, & quamvis tam decedentes, quam excludentes, & exclusi exteri sint, Nobis, & Sedi Apostolicæ in temporalibus non subditi, dum etiam exteri acquirentes, ac retinentes præfata bona, & juxta in prædictis Urbe, & statu censentur (contraria voluntate expresse non declarata) in animo habuisse hujusmodi bonorum, & jurium successione regulari debere, juxta leges, & ordinationes locorum, in quibus existunt, ac retinentur, prout hunc animum præsumendum esse decernimus, statuimus, & declaramus. Quæ vero de intestatis successionebus hæcenus, ut supra, statuta, & disposita sunt, in testamentariis quoque successionebus attendi, & observari debere volumus, ac statuimus, quacumque pariter bonorum, & personarum differentia, & consideratione, ut supra, sublatis, in iis casibus, in quibus eadem statuta, & leges locales in hac specie testatæ successione masculorum de agnatione favore disponunt; quoties decedendum contraria expressa voluntas non adversetur.

§. 4. Non intendimus autem per præsentem Constitutionem, atque in ea disposita, in aliquo derogare, & præjudicare Constitutionibus Apostolicis rec. mem. nostrorum prædecessorum, Sixti Papæ V., Clementis Papæ VIII., Pauli Papæ V. Urbani Papæ VIII. Innocentii Papæ X., & Alexandri Papæ VII., & aliorum, si quæ adsunt, super inhabilitatione forensium dicto nostro, & Apostolicæ Sedis dominio in temporalibus non subditorum, qui statutis temporibus ad habitandum non veniant, & non observent ea, quæ in eisdem Constitutionibus disponuntur, ac

Nec pariter mixtura in medio existentium personarum non exclusarum.

Quomododum nec etiâ dubium.

At si desit combinatio Statutorum uniusque loci personarum, & bonorum, tunc serventur Statuta locorum, in quibus sunt bona.

Cujuscumque ea sint generis.

Et personarum, dummodo bona habeant in Statu, nec de earum contraria voluntate constet.

Prædicta omnia custodiantur etiâ in testamentariis successionebus si descendendum voluntas expresse contraria non fuerit.

Clausula.

Eximuntur Constitutiones pro Forensibus.

demandantur; sed illa salva, integra, & in suo robore, ac firmitate permaneant.

§. 5. Sicque per quoscumque Judices Ordinariorum, & Commissarios quavis auctoritate fungentes, & etiam causarum Palatii Apostolici Auditores, ac Sanctae Romanae Ecclesiae Cardinales, etiam de latere Legatos, seu Vicelegatos, aut Camerae Apostolicae Praesidentes, & Clericos, & quoscumque alios, sublata eis, & eorum cuilibet quavis aliter judicandi, & interpretandi facultate, & auctoritate, ubique locorum judicari, & definiiri, ac sententiari debere; necnon quicquid secus super his a quoquam quavis auctoritate scienter, vel ignoranter contigerit attentari, irritum, & inane decernimus. Ut autem praesentes ad notitiam omnium deducantur,

§. 6. Volumus, & eadem auctoritate Apostolica statuimus, & ordinamus, quod illarum transumptis, etiam per impressionem factis manu alicujus Judicis, seu Praelati aut alterius personae in dignitate Ecclesiastica constitutae subscriptis, & sigillo alicujus Notarii publicis munitis, quemadmodum adhiberetur originali, si praesentaretur, ubique adhibeatur, tam in judicio, quam extra illud, plena, & indubitata fides.

Datum Romae apud Sanctam Mariam Majorem Anno Incarnationis Dominicae MDCLXXX. sextodecimo Kal. Decembris, Pontificatus nostri Anno Quinto.

Placet Motu proprio B.

XC.

Confirmantur quaedam Constitutiones Monachorum Congregationis Hispaniarum Ordinis Sancti Benedicti.

*Hujusmodi Constitutiones immutant antiquas, quae etiam antea pluries immutatae fuerunt. Vide Urb. VIII. Const. ed. 1624., Decemb. 3. Ejusdem Const. ed. 1624., Aug. 23., & Clem. IX. Const. ed. 1667. Decemb. 15.*

Dar. 30. Jan. 1681. An. 5.

INNOCENTIUS PAPA XI.

*Ad futuram rei memoriam.*

**E**Xponi nobis nuper fecerunt dilecti filii Abbas Generalis, & Monachi Congregationis Hispaniarum Ordinis S. Benedicti, quod dudum videlicet die 19. Decembris 1611. nonnullae recentes Constitutiones, quae praevia derogatione antiquarum, ex commissione ejusdem Congregationis in Capitulo Generali anno praecedenti 1610. in Monasterio Sancti Facundi de Sahagum celebrato factae, editaeque fuerant, a fel. rec. Paulo Papa V. Praedecessore nostro per quasdam suas in simili forma Brevis Literas specificae confirmatae, atque approbatae fuerunt. Verum quia per rec. mem. Gregorium XIII. quarto idus Februarii Anno Incarnationis Dominicae 1572., & successively per Urbanum VIII. Romanos Pontifices praedecessores pariter Nostros tertio nonas Julii 1624. ex voto Congregationis tunc existentium S. R. E. Cardinalium negotiis, & consultationibus Episcoporum, & Regularium praeposita tributa, & respectively confirmata, ac de novo concessa fuerat facultas Capitulo Generali dictae Congregationis Hispaniarum quotiescumque temporum opportunitas, & rerum vicissitudo exposcere videretur, vel experientia ipsa doceret, Constitutiones Capitulares hujusmodi, etiam a Sede Apostolica confirmatas immutandi, & revocandi, aliasque de novo faciendi, quas magis congruere eidem Capitulo videretur, prout in ipsorum Gregorii, & Urbani praedecessorum Literis desuper expeditis dicitur contineri. Ideo inhæ-

Eadem auctoritate no-

rendo facultati hujusmodi Capitulum Generale ejusdem Congregationis Hispaniarum nonnullas condidit Constitutiones, per quas aliquae ex supradictis a Paulo praedecessore confirmatis immutabantur, & alterabantur, quas etiam dicitur Urbanus praedecessor die 3. Decembris ejusdem anni 1624. confirmavit. Sed cum postea in sequenti Capitulo recessum fuisset ab illis, & Decretum, quod observarentur dictae priores Constitutiones a Paulo praedecessore confirmatae, ita tamen, ut ibi in eisdem prioribus Constitutionibus electio Abbatiarum demandabatur novem tantum Diffinitoribus, in futurum adderentur alii sex Electores, qui forent illi sex Monachi, ad quorum favorem immediate post novem supradictos ad Diffinitoratus gradum plura fuissent data suffragia; haec pariter Constitutiones die 23. Augusti 1628. ab eodem Urbano praedecessore confirmatae fuerunt. Cumque etiam inter ceteras Constitutiones a memorato Paulo praedecessore, ut praesertur, confirmatas statutum legitur, quod Abbatiae inter unum, vel aliud Capitulum intermediae vacantes ab Abbate Generali, tribusque Diffinitoribus, una etiam cum Abbate vicinioribus loco ubi Abbas Generalis praedictus de vacatione certior factus fuisset, providerentur: verum pluries experientia Magistra, compertum fuisset, quod propter Diffinitorum distantiam, admodum difficile reddebatur, & in longum protraherentur hujusmodi electiones: ideo utendo eisdem facultatibus per praefatos Gregorium, & Urbanum praedecessores concessis, eadem Congregatio in sequentibus Capitulis Generalibus disposuit, ac ordinavit, ut supradictae electiones in casu magis distantiae dictorum trium Diffinitorum, cum voto quatuor solummodo Abbatum loco de quo supra, proximorum, fieri possent, cum declaratione, quod in aequali distantia Diffinitores Abbatibus praerentur; & quod in aequali distantia censeretur esse Diffinitor qui octo tantum leucis plus quam Abbas distaret; quodque absentibus a suis Monasterii Abbatibus, idem vorum haberent pro electione dictarum vacationum Monachi Capitulares dictorum proximorum Monasteriorum, qui haberentur in antelationibus juxta suos gradus. Hocque etiam a pia mem. Clemente Papa IX. praedecessore nostro per quasdam suas pariter in forma Brevis die 15. Decembris 1667. expeditas Literas confirmatum fuit. Porro in vim pariter ejusdem facultatis commutandi Constitutiones a Gregorio XIII. concessae, & ab Urbano VIII. praedecessoribus nostris praefatis confirmatae, pluribus in Capitulis Generalibus, comperto per experientiam, quod nonnullae ex dictis Constitutionibus, ut supra, a Paulo praedecessore confirmatis, & quaedam aliae postmodum factae, non erant Religioni proficuae, nec de facili practicabiles, aliaque ex antiquis immutatae, aliaque noviter concessae fuerunt Constitutiones, ac etiam diversimode ab aliis, ut supra confirmatis, in eisdem Capitalibus pluries fuit observatum, & praecipue quoad infra scripta, videlicet.

§. 1. Primo circa numerum Capitularium statutum fuit, ut in antiquis Constitutionibus, & in Brevis Pauli V. illarum confirmatorio, quod non sint plures Capitulares, quam Generalis, qui in illo Capitulo terminat suum Officium; illi etiam, qui Generales extiterunt: qui actualiter sunt Abbates, sive Praesidentes Monasteriorum: Diffinitores immediate praecedentes quadriennii, quod in illo terminatur Capitulo: Magistri, & Praedicatorum Generales: etsi aliquis fuerit Concionator Regius, & per Universitatem Salmaticensem de licentia Congregationis, & ejus sumptibus Laureati: & qui in illa fuerint, ut Constitutio disponit Cathedralitici: Socius, sive Comes Generalis: ejus Secretarius: Procurator Generalis Romanae Curiae in solo Capitulo, quod fuerit

va quaedam Constitutiones conditae fuerunt a Capitulo, & confirmatae ab Urb. VIII.

Nova immutatio circa electionem Abbatum ab eodem Urbano confirmata.

Alia innovatio circa eandem electionem Abbatum a Clem. IX. confirmata.

Rursus plures Constitutiones immutantur, & aliae de novo confirmantur, ut infra.

Quot. & qui esse debeant Capitulares.

fuerit